



UNIVERSITÄTS-
BIBLIOTHEK
PADERBORN

Universitätsbibliothek Paderborn

Magnum Matrimonij Sacramentum Casibus Practicis Expositum

Reutlinger, Ignaz

Augustæ Vindelicorum, 1716

VD18 10508716

Celsissimo Ac Reverendissimo S. R. I. Principi Ac Domino, Domino Joanni
Francisco Episcopo Constantiensi ...

urn:nbn:de:hbz:466:1-40059

CELSISSIMO
AC
REVERENDISSIMO
S. R. I. PRINCIPI

AC
DOMINO, DOMINO
JOANNI
FRANCISCO

EPISCOPO CONSTANTIENSI
DOMINO AUGIÆ MAJORIS, & OENINGÆ,

Nec non Episcopatus Augustani
COADJUTORI &c. &c.

PRINCIPI, AC DOMINO
SUO CLEMENTISSIMO.



CELSISSIME, & REVERENDISSIME
PRINCEPS,
 DOMINE, DOMINE
 CLEMENTISSIME,



Nter alias plerunquē solet esse non
 minima hæc cura ijs , qui libros
 typo parant , quosnam Patrones
 eligant , sub quorum tutela , ac
 præsidio lucem isti aspiciant.
 Nulla me talis cogitatio sollicitum
 habet ; nam plura sunt , quæ ,
 ut hanc meam lucubrationem non alteri , quàm
 tibi ,

Epistola Dedicatoria.

tibi , Celsissime , ac Reverendissime Princeps ,
dedicatam esse velim , me non invitant modò ,
sed compellunt. Sive enim locum considero , in
quo eam prælo subijcio , sive materiam attendo ,
quæ toto volumine pertractatur , sive denique me
ipsum cogito , ubique adsunt rationes , ut ausim
huic libro Celsissimum tuum Nomen inscribere ,
imò ut debeam. Locus , ubi in publicam lucem
liber hic progreditur , is ipse est , qui primam lu-
cem affudit etiam Authori. Primam hîc attraxi
auram ; prima hîc habui literarum quoque incu-
nabula , redeo ad natale solum , & studiorum
meorum qualem qualem fructum ad primam ori-
ginem refero , & eundem tuæ Celsitudini demi-
mississimè offero , quem huius meæ Patriæ supre-
mum Pastorem veneror. Aliud si agerem , non
homines duntaxat , atque Cives mei , sed ipsi
quoque lapides ingratum me proclamaturi essent ,
& structura Constantiensis Collegij , cuius nunc
incola sum. Totum istud se tibi debet , totum se
tuis obsequijs dicat. Recordamur gratâ me-
moriâ sollicitum studium Antecessoris tui Ioannis
Georgij ex Perillustri familia ab Hallvveil , Constan-
tensis Ecclesiæ Episcopi octogesimi primi , cuius
curâ , & operâ primum initium Collegio Constan-
tensi

Epistola Dedicatoria.

tiensi datum est. Multum is laboravit, difficultates plurimas superavit, usquedum hoc confisteret in suæ Diocesis Urbe Principe; perruptis tamen omnibus, quæ poterant obstare, per ipsum tandem sterit Collegium, opem unâ simul liberaliter conferentibus in ejus foundationem Reverendissimo Cathedralis Ecclesiæ Capitulo, & circumjacentibus in vicinia Reverendissimis Dominis, Dominis S. R. I. Abbatibus. Istius confirmationem Apostolicam à Clemente VIII. Pont. Max. ipse obtinuit Anno post Christum Natum Millesimo Sexcentesimo tertio: erectam, & confirmatum suis deinceps favoribus, & gratijs Clementissimè fovit, & amplexus est. Felices fuisset, nisi tantum Patronum mors nobis invidisset, quæ Clementissimum Principem paulò post eripuit, recens erecto Collegio nimium immatura, quam cladem peracerbam auxerunt bella, quæ deinceps insecta, totam afflixere Germaniam, & variæ, ac diuturnæ temporum iniquitates, quæ nostrum Collegium, quod necdum satis firmiter consistebat, nunquam sinebant sine lucta esse. Unicum hoc nobis semper solatium fuit, & in afflictis rebus novas spes addidit, quòd Clementissimi Principis Ioannis Georgij subsequuti deinceps successores

Epistola Dedicatoria.

res semper se nobis Clementissimos , ac gratiosissimos exhiberent , quorum vestigijs cum tu quoque , Celsissime , ac Reverendissime Princeps , apprimè inhæreas , en ! quàm locus ipse jure istud postulet , ut Tux Celsitudini hunc meum laborem consecratum velim , ut grati animi testimonium aliquod exhibeam , quem tibi , quem Antecessoribus tuis debemus. Jam vero si Materiam spectro , sacro hæc foro debetur. Matrimonium tracto , per Casus practicos methodo Canonico-Theologica. Ejusmodi causæ in Dicecesi vastissima , & pluribus Episcopatibus æquivalente , cujus tu curam geris , in dies ferè singulos ad tuum Tribunal plurimæ deferuntur. Cui aptius casus hosce adscribam , quàm qui in ijs Ordinarius Judex est ? Officium denique , quo modò fungor , ex speciali titulo ad hoc me obligat. Admisisti me Clementissimè in Pœnitentiarium Dicecesis tuæ : quam excusationem asserre possem , si alteri , quàm tuæ Celsitudini meum laborem sacratum esse vellem ? Tibi igitur Celsissime , ac Reverendissime Princeps , quàm possum , demississimo animo eundem offero , quem si gratioſo obtutu dignatus fueris , credam equidem , non potuisse me meliùs , aut gloriosius conatus meos impendisse. Annue igitur

Epistola Dedicatoria.

tur Clementissimè huic meo voto , ut sub tuo præ-
sidio , quem scripsi , liber publici juris fiat , & quod
ex proprio ipsi deest , ex tuo Nomine lumen ipsi
accedat ; non cessabo ego interea Deum ter Opt.
Max. supplicibus votis rogare , ut tuæ Ecclesiæ in
multos annos quàm diutissimè luceas , cuius favori,
ac gratiæ me , ac speciatim nostrum , imò tuum ,
Collegium quàm demississimè commendo. Con-
stantiæ 19. Martij , JESU Christi in terris Nutritij
festiva Luce. 1716.

Reverendissima Celsitudinis tuæ.

Humillimus , & Devotissimus Servus;

Ignatius Reütlinger. S. J.